



KENNISGEWING

VERLENING VAN GRADE, DIPLOMAS EN SERTIFIKATE (INGESLOTE DOKTORALE GRADE): MAART 2017

Hierdie kennisgewing word aan ALLE voorgraadse finalejaarstudente en nagraadse studente gestuur en sal gevolglik ook ontvang word deur studente wat nie by een van die betrokke plegtighede gradueer nie. Hierdie kennisgewing is dus nie 'n bewys van verwerping van die kwalifikasie nie.

A. PLEK, DATUMS EN TYE

Die verlening van grade, diplomas en sertifikate (hierna **kwalifikasies** genoem) (ingesluit doktorsgrade en Eredoktorsgrade) in **Maart 2017** vind plaas in die **Coetzenburg-sentrum** op die Coetzenburg sportgronde op die datums en tye soos in die tabel hieronder aangedui.

Elke plegtigheid begin stiptelik op die tyd in hakies hieronder aangedui, maar alle **kandidate tot op magistervlak** moet **TWEE URE** vroeër by die pawiljoen van die Danie Cravenstadion aanmeld, reeds in besit van hulle gehuurde akademiese drag. **Doktorale kandidate** moet **1½ uur** voor die aanvang van die betrokke plegtigheid in die Coetzenburg Klubkamer agter die pawiljoen aanmeld, ook in besit van hulle gehuurde akademiese drag. Kandidate wat met of sonder gehuurde akademiese drag by die Coetzenburg-sentrum arriveer nadat die gradeplegtigheid reeds begin het, sal nie oor die verhoog kan stap nie en hul kwalifikasie sal *in absentia* toegeken word. Lees asseblief afdelings B en C verder aan baie noukeurig.

1. DINSDAG 14 MAART (17:00)	AgriWetenskappe Geneeskunde en Gesondheidswetenskappe
2. WOENSDAG 15 MAART (10:00)	Teologie Ingenieurswese
3. WOENSDAG 15 MAART (17:00)	Lettere en Sosiale Wetenskappe
4. DONDERDAG 16 MAART (10:00)	Natuurwetenskappe Opvoedkunde Regsgeleerdheid Krygskunde
5. DONDERDAG 16 MAART (17:00)	Ekonomiese en Bestuurswetenskappe (Groep A*)
6. VRYDAG 17 MAART (10:00)	Ekonomiese en Bestuurswetenskappe (Groep B*) Eredoktorsgrade

***GROEPIDELING vir Fakulteit Ekonomiese en Bestuurswetenskappe**

Groep A	Groep B
Nagraadse Diplomas (Besigheidsbest en Admin, Dispuutbeslegting, Finansiële Beplanning, Leierskapontwikkeling, Omgewingsbestuur, Ontwikkelingsfinansies, Projekbestuur, Toekomsstudie, Volhoubare Ontwikkeling)	Nagraadse Diploma in Aktuariële Wetenskap
HonneursBPA	Nagraadse Diploma in Bemaking
MPhil (Bestuursafrioting, Omgewingsbestuur, Ontwikkelingsfinansies, Toekomsstudie, Volhoubare Ontwikkeling)	Nagraadse Diploma in MIV/Vigsbestuur
MPA	BCom (ingesluit Regsgeleerdheid)
MBA	HonneursBCom
BRek	MCom
BRekLLB	MPhil (alle studierigtings wat nie by Groep A ingedeel is nie)
HonneursBRek	PhD (Stellenboschkampus)
MRek	
PhD (Bestuurskool)	

B. PROSEDURE EN GASTE

- Alle kandidate (**uitgesonderd doktorale kandidate, kyk punt 2 hieronder**) moet **twee uur** voor die aanvang van die betrokke plegtigheid **agter die pawiljoen van die Danie Cravenstadion** aanmeld om in die korrekte volgorde (kandidateprosessie) opgestel te word **en om die naamkaartjie wat tydens oorstap oor die verhoog vir die Dekaan gegee moet word, te ontvang**. Vir oggendplegtighede moet kandidate agter die pawiljoen vergader en vir middagplegtighede gaan sit kandidate in die pawiljoen aan die rivier se kant. By aankoms by die Danie Craven Pawiljoen moet alle kandidate reeds in besit van hulle gehuurde akademiese drag vir die plegtigheid wees (kyk afdeling C hieronder vir huur van akademiese drag).

Kandidate wat nie bekend is met Stellenbosch nie, word aangeraai om hulle vooraf van die ligging van en die roete na Coetzenburg sportgronde en die Coetzenburg-sentrum te vergewis. Kandidate wat van openbare vervoer gebruik maak en/of van ver af reis om gradeplegtighede by te woon, word aangeraai om genoeg tyd toe te laat vir moontlike onvoorsiene gebeure soos vlugte of busse wat laat vertrek, padwerke wat oponthoude kan veroorsaak, of voertuie wat onklaar raak. Daar is gewoonlik ook druk verkeer in Stellenbosch, veral by die Coetzenburg sportgronde, wat in gedagte gehou moet word. Parkering (soms ver van die Coetzenburg-sentrum) en die huur van akademiese drag kan heelwat tyd in beslag neem. Kandidate wat van baie ver af reis, word aangeraai om liewer reeds die dag voor die betrokke plegtigheid in Stellenbosch te arriveer.

Kandidate wat met of sonder gehuurde akademiese drag by die Coetzenburg-sentrum arriveer nadat die verrigtinge reeds begin het, sal nie geakkommodeer kan word nie en sal hul kwalifikasie *in absentia* ontvang.

- Doktorale kandidate** moet **1½ uur** voor die aanvang van die betrokke plegtigheid in die **Coetzenburg Klubkamer in die pawiljoen van die Danie Cravenstadion** aanmeld. Op daardie stadium moet alle doktorale kandidate reeds in besit van hulle gehuurde akademiese drag vir die plegtigheid wees (kyk afdeling C hieronder vir huur van akademiese drag).
- Gestremde of beseerde kandidate** wat nie die trappe na die verhoog sal kan bemeester tydens die toekenning van die betrokke kwalifikasie nie, moet asseblief teen **Vrydag 3 Maart** met die Kontaksentrum by tel nr 021 808 9111 of e-pos info@sun.ac.za in verbinding tree met die oog op die tref van spesiale reëlins vir die toekenning van die kwalifikasie voor die verhoog.
- Kandidate tot op **magistervlak** mag elk tot **vier gaste** na die plegtigheid nooi. **Doktorale kandidate** mag elk tot **vyf gaste** nooi. Geen toegangskaartjies word uitgereik nie. Voorskoolse kinders moet liefers nie die plegtighede bywoon nie.

5. Die Universiteit doen 'n vriendelike beroep op alle kandidate en hul gaste om nie die saal tydens die plegtigheid te verlaat nie en sodoende te verseker dat die plegtigheid met die nodige waardigheid verloop. Indien dit vir kandidate onmoontlik blyk te wees om die volle duur van 'n plegtigheid teenwoordig te wees, moet hulle dit oorweeg om die kwalifikasie **in absentia** te ontvang (kyk afdeling D vir die aansoekproses). Indien dit vir gaste onmoontlik blyk te wees om die volle duur van 'n plegtigheid teenwoordig te wees, moet die plegtigheid eerder nie bygewoon word nie.
6. Kandidate en hul gaste word ook vriendelik versoek om slegs ongegeurde water die saal binne te neem, geen eetgoed en koeldrank nie, asseblief. Die Coetzenburg-sentrum is toegegerus met 'n spesiale vloeroppervlakte wat beskadig kan word deur eet- en drinkgoed wat daarop val.

C. DRAG EN AKADEMIESE DRAG

1. Om nie afbreuk aan die waardigheid van die plegtigheid te doen nie, word van kandidate verlang om fatsoenlik gekleed te wees. Mans moet kraaghemde dra. Die dra van 'n toga is verpligtend.
2. Die prosedure vir die huur van akademiese drag (togas en kwalifikasiebande) is soos volg:
- 2.1 Alle kandidate moet reeds oor hulle gehuurde togas en kwalifikasiebande beskik wanneer hulle twee uur voor die plegtigheid (1½ uur vir doktorsale kandidate) by die pawiljoen van die Danie Cravenstadion op Coetzenburg aanmeld. Die verhuring vind plaas vanuit "**Die Stal**" in die Jannie Marais-huis op Coetzenburg op die volgende dae en tye:

Maandag 13 Maart	08:00 – 17:00
Dinsdag 14 Maart	07:00 – 21:00
Woensdag 15 Maart	07:00 – 21:00
Donderdag 16 Maart	07:00 – 21:00
Vrydag 17 Maart (huur en terughandiging)	07:00 – 10:00
Vrydag 17 Maart (slegs vir terughandiging)	10:00 – 16:00

- 2.2 Kandidate vir Dinsdagmiddag 14 Maart se plegtigheid kan hulle akademiese drag vanaf **08:00** die Maandagoggend huur. Kandidate vir Woensdagoggend, Donderdagoggend en Vrydagoggend se plegtighede kan hulle akademiese drag reeds op die vorige dag vanaf **15:00** huur. Kandidate vir Woensdagmiddag en Donderdagmiddag se plegtighede kan hulle akademiese drag vanaf **07:00** op die dag van die plegtigheid huur. Akademiese drag kan ook by aankoms vir 'n plegtigheid gehuur word, maar die aanmeldingstyd by die Danie Craven Pawiljoen moet in gedagte gehou word.
- 2.3 Die huurtarief vir 'n toga en graad-/diploma-/sertifikaatband tot op **magistervlak** sal **R220+R300 deposito = R520** en vir doktoraal **R320+R500 deposito = R820** beloop. 'n **Addisionele band** vir 'n voorheen verworwe kwalifikasie kan teen **R140 bykomend** gehuur word (nie terugbetaalbaar nie). **Slegs kontant** sal aanvaar word en die R300 of R500 deposito is terugbetaalbaar by terughandiging van die gehuurde akademiese drag in "Die Stal" na afloop van die plegtigheid. **Gehuurde akademiese drag moet na afloop van 'n gradeplegtigheid in "Die Stal" teruggehandig word.**
- 2.4 Kandidate wat alreeds graad(e) aan ander universiteit(e) verwerf het, moet vroegtydig die graadband(e) van die betrokke universiteit(e) aanvra indien hulle die graadband(e) by hierdie plegtigheid sou wil dra.

D. TOEKENNING VAN GRADE, DIPLOMAS EN SERTIFIKATE IN AFWESIGHEID

Kandidate wat nie die gradeplegtigheid kan bywoon nie, kan reël dat hulle graad, diploma of sertifikaat **in absentia** verleen word deur die nodige versoek hiervoor op www.mymaties.com **vóór Vrydag 3 Maart** te voltooi. Die betrokke graderingsdokumentasie sal dan outomaties ná afloop van al die plegtighede per geregistreerde pos na hulle posadres op die Universiteit se databasis gestuur word.

LW: Vorm op www.mymaties.com >> Studies >> Afwesigheid van Gradeplegtigheid

E. NEEM VAN FOTO'S

Akademiese drag is by alle plaaslike fotografe beskikbaar vir die neem van foto's. Inligting oor die neem van gesinsfoto's op die Coetzenburg-terrein word verder aan in hierdie dokument verstrekk. Tydens die verloop van die plegtigheid word drie foto's van elke kandidaat by toekenning van die betrokke kwalifikasie op die verhoog geneem, wat later bestel kan word. 'n Bestelvorm word ná die plegtighede aan graduandi gestuur.

F. EKSAMENUITSLAE

Die eksamenuitslae word amptelik bekend gemaak op **Donderdag 2 Maart om 14:00**.

Studente kan hul uitslae verkry deur:

1. die **studenteportaal** by www.mymaties.com te gebruik, of
2. navraag te doen by die Universiteit se **outomatiese antwoorddiens** by 083 123 7777, of
3. die **selfoon** webtoepassing by <http://m.mymaties.com> te gebruik.

G. GELDSKULDENAARS

Kandidate wat afstudeer, maar wat geld aan die Universiteit verskuldig is, is onderworpe aan die volgende bepalings:

1. Waar die verskuldigde bedrag meer as R100,00 is, ontvang die kandidaat 'n rekening en aanmaningsbrief, in plaas van die amptelike graderingsdokumente, in die dokumentasiekoker. Waar die verskuldigde bedrag minder as R100,00 is, ontvang die kandidaat wel die amptelike dokumente.
2. Om dit vir die Universiteit logisties moontlik te maak om kandidate se graderingsdokumente by die plegtighede uit te reik, **moet alle verskuldigde bedrae teen Vrydag 3 Maart om 12:00** vereffen wees.

Ons hoop en vertrou dat die bywoning van 'n plegtigheid 'n besonder aangename ervaring vir kandidate, familie en vriende sal wees.

Dr Ronel Retief
REGISTRATEUR

6 Februarie 2017

Algemene inligting

Opstel van alle kandidate voordat daar in die saal inbeweeg word:

Stap 1: Alle kandidate huur 'n swart toga en band by Die Stal.

Stap 2: Alle kandidate vergader op die Danie Craven Paviljoen.

Stap 3: Finale aankondigings

Stap 4: Alle kandidate se name word per fakulteit uitgelees. Eers alle voorgraadse kwalifikasies en daarna nagraadse kwalifikasies.

Stap 5: Nadat naam uitgelees is, stap na tafel om voorstellingskaartjie te ontvang. Die kaartjie word gebruik om kandidaat se van en naam tydens die plegtigheid te lees.

Stap 6: Almal word in rye, in numeriese orde nav die nommer wat regs bo in die hoek van die voorstellingskaartjie gedruk is, opgestel.

Stap 7: Stap na Coetzenburg Sentrum en neem sitplek in.

Algemeen:

- Sit asb alle selfone af
 - Geen rook toegelaat in die saal
-

GESINSFOTO'S

Amtelike grade-fotograwe van Universiteit Stellenbosch



PLEK: SPORTWETENSKAP-GEBOU COETZENBURG

AGTER COETZENBURG SENTRUM IN SPORTWETENSKAP-GEBOU
(HOOFINGANG)

Datums: 14, 15, 16 en 17 Maart

Tye: **14** (13:00 – 21:00); **15, 16** (07:30 – 21:00); **17** (07:30 – 14:00)

4 x (20cm x 15cm) mini vergrootings Fotos **R160-00** (afhaal) of **R200-00** vir geregisteerde pos Insl: toga, band, hoed.

Besprekings

Administrasie Blok A Kamer 1013 of Tel: 021 808 3073 of 021 808 9260 (08:00 – 16:30)
Direk na plegtighede sal ons studente afneem soos hulle aankom, omdat ons nie weet hoe laat die plegtighede klaarmaak nie.

Studente kan enige dag 'n afspraak maak; dit hoef nie op dieselfde dag as hul plegtigheid te wees nie.

GRADE SEREMONIE PROSES OP VERHOOG



HOE OM BAND TE HOU

Plaas band oor linkerpols met "V" na bokant van arm.



FOTO A

Hou los punt van die band tussen duim en wysvinger vas.



FOTO B

FOTO C



ROOI NOMMERS OP VERHOOG (WAT BETEKEN DIT)

1. Stap na onderpunt van trap en stap trappe op; oorhandig jou voorstellingskaartjie aan die beampte. Jou naam word uitgelees.
2. Beweeg tot voor die toonbank en buig kop vorentoe vir simboliese 'tikkie' op kop. Geen handdruk. (maak seker lang hare is uit jou gesig)
Kyk effens op na jou linkerkant vir FOTO A (fotograaf by @ 4)
3. Beweeg na jou linkerkant tot voor volgende beampte - hou linkerarm uit – band word van jou arm afgehaal.
Draai met jou gesig na saal en die band word van agter oor jou skouers gehang.
Kyk effens op na jou regterkant vir FOTO B en C (fotograaf by @ 5)
6. Beweeg na jou regterkant teen trap af en ontvang jou koker aan onderpunt van trap en stap terug na jou oorspronklike sitplek.

LW: INDIEN JY PROEWE VAN FOTO'S VIA E-POS WIL ONTVANG:

STUUR 'N E-POS MET JOU STUDENTENOMMER, NAAM EN E-POS ADRES NA:

info@ssfd.com

(Studente wat nie verder studeer nie se toegang tot e-pos word gestaak aan die begin van die volgende jaar)